



Divi Thomae Aqvinatis Doctoris Angelici Opera Omnia

Summa diligentia ad exemplar Romanæ Impreßionis restituta
Complectens Quæstiones, Qvæ Dispvtatæ Dicvntvr, & Quæstiones
Quodlibetales, siue Placitorum eiusdem S. Thomæ

Thomas <von Aquin, Heiliger>

Venetiis, 1593

7 Vtrum in Angelis sit compositio æccidentis & subiecti.

[urn:nbn:de:hbz:466:1-72780](#)

QVODLIBET. VII. ART. VI. VII. ET VIII.

ARTICVLVS VI.

Vtrum immensitas diuina excludat pluralitatem,

AD PRIMVM sic proceditur. Viderur, quod immensitas diuina excludat pluralitatem personarum. Omne. n. immensum, cum sit indeterminatum, stat in uno; sed quod est in divinis, est immensum, cum ergo persona sit in divinis, stabit in uno, ita quod non erunt ibi plures personae.

Si dicatur, quod plures hoc modo in uno stant, quod omnes sunt una essentia. Contra. Sicut essentia est immensa, ita & persona: sed immensitas essentiae facit quod sit una essentia tantum. ergo immensitas personae facit quod sit una persona tantum.

Si dicatur quod persona non est immensa nisi immensitate essentiae. Contra. Persona secundum intellectum addit aliud supra essentiam; sed quod intelligitur in divinis, intelligitur ut immensum. ergo propter immensitatem essentiae est in Deo immensitas personae, qua faciet in divinis unam tantum personam.

SED CONTRA est, quod dicitur 2. Io. 4. Tres sunt qui testimonium dant in celo.

RESPON. Dicendum, quod immensitas non excludit pluralitatem, nisi secundum quod tollit determinationem que est pluralitatis principium primum. Sicut autem dictum est prius, duplex est determinatio, limitationis, & distinctionis. In divinis autem nullo modo cadit determinatio limitationis, cedat autem ibi determinatio distinctionis dupliciter. Vno modo, secundum quod distinguunt per essentiam ab omnibus creatis, ut non limitata a limitato. Alio modo, secundum quod persona distinguuntur a persona per relationem originis, quae quidem distinctione non est propter aliquam limitationem, sed ratione oppositionis, quae est in relatione: unde hanc distinctionem immensitas diuina non excludit, & per consequens nec pluralitatem personarum.

Et per hoc patet responsio ad primum.

AD SECUNDVM dicendum, quod quamvis personaliter immensa, tamen immensitas est essentiale, non personale, sicut persona est bona bonitate essentiae: unde non oportet quod immensitas faciat indistinctionem in personis, sed solum in esse naturae.

AD TERTIUM Dicendum, quod persona non dicitur aliquid secundum intellectum addere supra essentiam, quia intellectus debet intelligere aliquid additum essentiae, est enim intellectus falsus: sed quia intelligendo personam, intelligo essentiam de necessitate, sed non econuerso, unde obiectio non procedit.

ARTICVLVS VII.

Vtrum in angelis sit compositio accidentis & subiecti. **C**IRCA secundum sic proceditur. Viderur, quod in angelis non sit compositio accidentis, & subiecti, quia esse accidentale causatur ab esse substantiali, ergo & compositio accidentalis a compositione substantiali: sed in angelis non est compositio substantialis, quia sunt substantialia simplices, v. Dion. dicit, ergo nec compositio accidentalis, q. 2. Præt. Boe. dicit in li. de Trini. quod forma simplex subiectum esse non potest: sed angeli sunt formae simplices secundum Diony. ergo non possunt esse subiectum accidentis.

SED CONTRA est, quod Aug. substantias spiritualis ponit distincte a simplicitate diuina per hoc,

A quod est in eis compositio accidentis, & subiecti.

RESPON. Dicendum, quod ex hoc aliquid est suscepitum formæ substantialis, vel accidentalis, quod aliquid habet possibilitatis, quia de ratione potentiae est, ut actum sublernatur, qui forma dicitur. De angelis autem diversi diversa tentiuntur. Quidam enim dicunt quod sunt ex materia & forma compositi. Alii dicunt quod sunt compositi ex esse, & quod est, ut Boe. dicit, & viroque modo oportet ponere potentialitatem in angelo. De primo enim modo patet, similiter patet potest de secundo, quod omne quod non est suum esse, oportet quod habeat esse receptum ab alio, quod est sibi causa essendi. Et ita in se consideratum est in potentia respectu illius esse quod recipit ab alio, & hoc modo ad minus potentialitatem ponere oportet in angelo, qui angelus non est suum esse, hoc. n. solus Deus est: & ita relinquitur quod angelus posuit esse subiectum accidentalis formam.

AD PRIMVM ergo dicendum, quod substantialis simpliciter in angelis excludit compositionem materia & formæ, non autem compositionem ex esse, & quod est, quam compositionem ad minus accidentialis compositione in angelis presupponit. Et iterum non oportet, quod si est accidentale causatur a substantiali, quod compositio accidentalis a compositione substantiali cansetur, quia substantialia aliquo modo simplex potest esse subiectum accidentis, et dictum est.

AD SECUNDVM dicendum, quod Boet. loquitur de illa forma simplici, quae est actus purus, cui nihil potentialitatis admisetur, & talis est solus Deus,

QVÆSTIO IV.

DEINDE queritur de sacramento altaris.

¶ Et circa hoc queruntur tria.

¶ Primo, Vtrum corpus Christi secundum totam suam quantitatem continetur sub speciebus panis.

¶ Secundo, Vtrum in eodem instanti sit panis, & corpus Christi.

¶ Tertio, Vtrum Deus possit facere quod albedo, & aliae qualitates sint sine quantitate, sicut facit quod quantitas in sacramento altaris sit sine subiecto.

ARTICVLVS VIII.

Vtrum possit totum corpus Christi sub speciebus panis contineri.

CIRCA primum sic proceditur. Viderur, quod non possit totum corpus Christi sub illis speciebus, panis contineri. Non enim potest etiam per miraculum fieri, ut duo contradictionia sint simul vera, ut Aug. dicit contra Faustum: hoc autem sequeretur, si totum corpus Christi subesse illis speciebus, si enim est sub illis speciebus totum, non est maius illis speciebus, cum non excedat eas, & tamen secundum rei veritatem est maius, sicut bicubitum, vel amplius, & sic erit eodem maius, & non maius. ergo non potest, etiam per miraculum, fieri, quod sub illis speciebus continetur totum.

SED CONTRA. Vbi cumque est pars aliquius corporis, est totum corpus, nisi corpus sit diuini sum: sed corpus Christi non est diuini sum, cum sit imparibile, ergo cum aliqd corporis Christi sit sub illis speciebus, ut dicitur Matt. 27. Hoc est corpus meum, oportet quod sub illis speciebus totum corpus Christi continetur.

RESPON. Dicendum, quod sub illis speciebus absq. dubio continetur totum corpus Christi, & to-

D. 171.

3. p. q. 76. ar.
1. o. & q. 79.
ar. ad 3.

ta